

**КӨШІРМЕ  
КОПИЯ**

ҚАЗАҚСТАН РЕСПУБЛИКАСЫ ӨДІЛЕТ МИНИСТРЛІГІ  
АТЫРАУ ОБЛАСТЫНЫҢ ӨДІЛЕТ ДИПАРТАМЕНТІ  
АТЫРАУ ҚАЛАСЫНЫҢ ӨДІЛЕТ БАСҚАРМАСЫ  
15.08.16 04  
ӘРІП А ТЕРЖЕМЕСІ ЕНГІЗІЛЕН  
ДЕРГҮЛЕР МЕН ТОЛЫҚТЫРУЛАР ТІРКЕЛДІ  
2338-1915-01-А-01  
АЛДЫҢҚЫ ТІРКЕЛДЕНГЕН КҮНІ  
2016.08.03

ҚАЗАҚСТАН РЕСПУБЛИКАСЫ ӨДІЛЕТ МИНИСТРЛІГІ  
АТЫРАУ ОБЛАСТЫНЫҢ ӨДІЛЕТ ДИПАРТАМЕНТІ  
АТЫРАУ ҚАЛАСЫНЫҢ ӨДІЛЕТ БАСҚАРМАСЫ  
08.18.09  
010340000170  
ИНТЕРЕС СЫНАСТЕНДІРУ  
1999.08.01.2008



Құрылтайшылар Кеңесінің  
жиналысында БЕКІТІЛГЕН  
Хаттама № 6  
«27» наурыз 2015 ж.

**«АТЫРАУ ИНЖЕНЕРЛІК – ГУМАНИТАРЛЫҚ ИНСТИТУТЫ»  
МЕКЕМЕСІНІҢ  
ЖАРҒЫСЫ**

Алматы, 2015 ж.

**КЕЛЕСІ БЕТКЕ ҚАРАҢЫЗ  
СМ. НА ОБОРТЕ**

«Атырау инженерлік-гуманитарлық институты» мекемесі, Қазақстан Республикасының «Білім туралы» Заңы, Қазақстан Республикасының Білім саласындағы басқада нормативті-құқықтық актілері, сондай-ақ осы Жарғының негізінде құрылады.

Қазіргі нарықтық экономика жағдайында, білім саласында бюджеттік қаражаттың тапшылығы жағдайында қоғамға жеке әлеуметтік жауапкершілігі өте жоғары тұлға қажет. Сондықтан, жаңа типті мамандар қалаптастыру бойынша, республикамыздың экономикасының қажеттілігіне жауап бере алатын және алуан түрлі мәдени-білімдік сұраныстарын қанағаттандыратын, материалдық базаларды жаңартуға және нығайтуға бейімделген өзін-өзі қаржыландыру негізінде оқу орындарын құру тиімді.

Инженерлік-гуманитарлық институттың құрылуы (әрі қарай – Институт) жоғары оқу орындарының алдыңғы қатарлы тәжірибесін тиімді ұйымдастыруын, жоғары білімнің көп салалы құрылымына ауысу және әлемдік білім кеңістігіндегі интеграциясын ескере отырып, Білім және ғылым Министрлігі әзірленген үздіксіз білім Концепциясы мен ҚР жоғары білімнің Мемлекеттік жалпығаміндетті білім стандартына (МЖБС) сәйкес келеді.

### **1. Мекеменің толық атауы:**

- қазақ тілінде: «Атырау инженерлік-гуманитарлық институты»  
**Мекемесі;**
- орыс тілінде: Учреждение «Атырауский инженерно-гуманитарный институт»;
- орналасқан жері: Атырау қаласы, Худина көшесі, 5 А

Институт шектеусіз мерзімге құрылды.

### **2. Құрылтайшылар:**

- 2.1. Шайхутдинов Ерінғайып Малікұлы. 1933 жылы туған, жеке төлқұжатының № 030351229. 12.07.2010 ж. ҚР ӘМ берілген, мекен-жайы: Алматы қаласы, Қабанбай батыр көшесі, 65, 26 пәтер.
- 2.2. Маймаков Таухан Перманұлы, 1941 жылы туған, жеке төлқұжатының №030040149, 26.04.2010 ж. ҚР ӘМ берілген, мекен-жайы: Алматы қаласы, Муканов көшесі, 241, 91 пәтер.
- 2.3. Ихсанов Ерсайын Валитханұлы, 1950 жылы туған, жеке төлқұжатының №007924166, 24.04.1998ж., ҚР ӘМ берілген, мекен-жайы: Атырау қаласы, Құрманғазы көшесі, 3<sup>б</sup>.

Құрылтайшылар құрамы басқа заңды және жеке тұлғалармен өзгертілуі және толықтырылуы мүмкін.

### **3. Мекеменің ұйымдастырушылық-құқықтық түрлері:**

3.1. Мекеме коммерциялық емес ұйым болып табылады, өзінің негізгі қызметінде кірісті көздеуді мақсат етпейді және кірісті Мекеме қатысушыларының арасында бөлмейді.

3.2. «Атырау инженерлік-гуманитарлық институты» мекемесі бұдан әрі қарай Мекеме, жеке мемлекеттік емес білім беру мекемесі болып саналады.

3.3. Институт мемлекеттік тіркеуден өткен сәттен бастап заңды тұлға болып табылады, банк мекемелерінде дербес балансы, есеп айырысу және басқа шоттары, мемлекеттік және орыс және ағылшын тілдерінде өз атауы мен эмблемасы басылған дөңгелек мөрі, мөртаңба мен іс қағаздарының бланкілері, баспа белгісі және басқадай қажетті деректемелері бар.

3.4. Мемлекеттік тіркеуден кейін институт белгіленген тәртіп бойынша білім беруге лицензия алады.

3.5. Институт өзі атынан заңды және жеке тұлғалармен келісім-шарт жасай алады, оның ішінде шетелдіктермен де.

3.6. Лицензия алған күннен бастап ҚР қолданыстағы заңдарына сәйкес институт жоғары білім саласындағы жеңілдіктермен пайдалана алады.

3.7. Мекеме осы Жарғының негізінде және қолданыстағы ҚР заңдары аясында кәсіпкерлік жұмыстармен де шұғылдана алады.

#### **4. Мақсаты және міндеттері.**

4.1. Институттың негізгі мақсаты – жеке тұлғаның кәсіби деңгейінің өсуіне бағытталған, ұлттық және жалпыадамгершілік құндылықтарды қалыптастыру және дамыту, ғылым мен тәжірибенің жетістіктері негізінде жоғары білім алуға қажетті жағдайлар жасау.

4.2. Институттың негізгі міндеттері:

- білім бағдарламаларын және білім стандарттарын игеруге жағдайлар жасау;

- студенттердің шығармашылық, рухани және физикалық мүмкіндіктерін дамыту, адамгершілік қасиеттері мен салауатты өмір сүру негіздерін қалыптастыру;

- азаматтық пен патриотизмге тәрбиелеу, өз отаны –Қазақстанды сүйуге, мемлекеттік рәміздерге деген құрмет, халық дәстүрлерін сыйлау, қоғамға қарсы және Конституцияға қарсы кез-келген пиғыла төзімсіздік білдіру;

- республиканың қоғамдық-саяси және мәдени өміріне белсене қатысуға бағытталған ниет-пыйғылды қалыптастыру, студенттердің өз құқықтары мен міндеттерін түсінуге шақыру;

- әлемдік және атамекен өркениеті жетістіктеріне ортақтастыру, мемлекеттік, орыс және шетел тілдерін меңгеру;

- заманауи озық оқу техноологияларын енгізу, оқу үдерісін ақпараттандыру, халықаралық коммуникациялық жүйелерді енгізу;

- білім нарығында кәсіби білімі жоғары, бәсекеге қабілетті мамандар дайындау жұмыс істейтін мамандардың біліктілігін көтеру;

- босатылатын жұмыскерлер мен жұмыспен қамтамасыз етілмеген тұлғаларды қайта оқыту мен қайта даярлау.

4.3. Институттың негізгі функциялары:

- Мемлекеттік жалпыға міндетті білім стандарты, мамандықтар бойынша типтік оқу жоспарлары, білім бағдарламалары негізінде оқу әдістемелік жұмыстарының барлық түрлерін жасау;
- студенттердің мамандандырылған тәжірибелерін ұйымдастыру және басшылық жасау;
- барлық мамандықтар бойынша кітапханалық қормен, қосымша және ғылыми - әдістемелік әдебиеттермен қамтамасыз ету;
- студенттердің тәрбие жұмыстары мен мәдени демалысын ұйымдастыру;
- дене шынықтыру және спортпен айналысу үшін қажетті жағдай жасау;
- студенттерді медициналық қызмет және жатақханамен қамтамасыз ету.

## **5. Білім үрдісінің мақсаты**

### **5.1. Институттың білім үрдісінің негізгі мақсаттары:**

- тұлғаның таңдаған сала бойынша арнайы жоғары білікті мамандық алудағы қажеттіліктерін қанағаттандыру;
- аймақтың жоғары білімді мамандарға деген әлеуметтік-экономикалық сұраныстарын қанағаттандыру;
- ҚР білім және ғылым министрлігінің берілген лицензиясына сай жоғары білімді мамандарды дайындау;
- ұлттық және халықаралық білім бағдарламаларын ұйымдастыруға атсалысу;
- семинарлар, конференциялар, мәдени-көпшілік және спорттық-сауықтыру шараларын ұйымдастыру және жүргізу;
- колледж, лицей т.б. институт ішінде арнайы орта оқу орындарын ашу;
- инновациялық және инвестициялық қызметтер;
- білім және ғылыми гранттардың барлық деңгейлеріне тарту, соның ішінде халықаралық деңгейде.

## **6. Институтқа қабылдау тәртібі**

**6.1.** Жоғары білім алу үшін институтқа қабылдау тәртібі ҚР Білім және ғылым министрлігі бекіткен Жоғары оқу орындарына қабылдаудың типтік ережелеріне сәйкес жүргізіледі.

**6.2.** Институтқа орта білімі бар және орта аранйы білім бар (колледж түлектері), Ұлттық бірінғай тестілеу (ҰБТ) немесе Комплекстік тестілеуді (КТ) ойдағыдай тапсырған Қазақстан азаматтары қабылданады. Сонымен қатар Қазақстанда тұратын басқа елдің азаматтары және азаматтығы жоқ тұлғалар қабылданады, егер олар Қазақстанның қолданудағы заңдалықтарына, халықаралық келісім-шарттар талаптарына сәйкес келсе.

**6.3.** Жоғары білім бар тұлғалар басқа мамандыққа оқуға түсу үшін институттың қабылдау комиссиясы белгіленген әңгімелесу арқылы емтихансыз қабылданады.

